

Faexminz

□ Cwz Fanghdingz / 翟芳婷

Vunz mbanj dou cungj nyinh-naeuz go faexminz caeuq bouxvunz doxlumj, hix miz gamjcingz. Bi boux daxgoeng ndaem de mbouj miz, de lumjnaeuz roxsoq nei, hix caeuq vunz ranz boux daxgoeng doxlumj caem roengzdaeuj. Vunz ndaw mbanj caj bae caj dauq, seiq nyied cungj gvaq lo, de lij dwg va hix mbouj hai mbaw hix mbouj ok, daengx ndang mokhumhum, lumj yaek dai nei. Yah buz haenx naeuz, go faexminz neix mboujcix caeuq boux ndaem de doxlumj dai bae, mboujcix couh bicog cij hai va. Faexminz bihaenx caen daengx bi cungj mokhumhum dahraix, hoeng dauqdaeuj mbouj dai bae. Bi daihngaih, faexminz hai va dauq lo, hai ndaej hoenghwdhwd, hoengh ndaej gax-gonq bi lawz cungj beij mbouj hwnj, faiq hix lai gvaq doenghbaez haujlai. Vunz ndaw mbanj naeuz, lauhei dwg hai bouj bi' gvaq ba.

Mwh gou doeg gauhcungh, miz bi ndeu sam nyied cosam, gou bae ranz sauqmoh. Yaek dauqbae hagdangz hwnjdangz, gou byaij gvaq laj go faexminz, raen miz duj va youh nding youh hung ndeu. Gou majhung ndaej cibgeij bi, lij caengz raen gvaq duj va faexminz lawz hung baenzneix nding baenzneix, go faexminz sang baenz cibgeij caengz laeuz, va doek roengz-daeuj gingqyienz mbouj vaih saekdi, geizheih dangqmaz. Gou couh siengj lo, duj va neix aeu bae hagdangz soengq hawj baengzyoux ndei gou, de haengjdingh maij.

Yienghneix, gou couh daiq de bae daengz hagdangz lo. Ngamq haauj bakdou hagdangz, baengzyoux gou couh mbouj rox daj gyawz okdaeuj, yat

gvaq doiqnaj gou ma, riuhihi hawj gou doeksaet yat. Gou siengj: Ndei, gou hix hawj mwngz doeksaet yat cij ndaej. Doeklaeng, gou hawj de laep da haeuj, daj ndaw daehsaw aeu duj va faexminz okdaeuj, yaengx youq doiqnaj de, hawj de hai da. Baengzyoux hai da yawjraen dujva, da ndongqgvakgvak caez. Mbouj yungh gangj, yawj gij yiengh de couh rox de maij dangqmaz lo, de nyinh-naeuz duj va neix dwg gwnz seiqgyaiq cei q gyaunde, yaek ciengxlwenx geiq youq ndawsim. Daj seizhaenx hwnj, de couh laeglemx heuh gou guh "dahcej va faexminz" lo, cibgeij bi gvaqbae, daengz seizneix, de lij dwg heuh gou "dahcej va faexminz".

Gij ndaejgeiq go faexminz hawj gou dingzlai dwg gyaunde. Hoeng, miz baez ndeu, mbanj gou ca di couh



mbouj miz go faexminz neix lo.

Bi 2014 sam nyied cosam, gou bae ranz sauqmoh. Boux cihsuh yawj ndaw mbanj dingzlai vunz cungj maranz sauqmoh, swngzgei haihoih naeuz yangh cwngfuj bued cienz hawj mbanj dou hwnq aen daizheiq ndeu, de gietdingh raemj go faexminz hung henz aen gyausiz gaeuq bae, youq gizhaenx hwnq daizheiq. Gangj liux hix mbouj cam gyoengqvunz doengz mbouj doengzeiq, gaem hwnj fagfouj couh mbak haeuj goek go faexminz bae. Baez laep da, goek go faexminz couh deng de mbak bae vauh hung-hung ndeu lo. Daihgya raen le, neix lij baenz ha? Go faexminz neix lumj vunz nei, yawj gvaq geijlai boux lwngyez majhung, hawj daihgya baenzlai angq-yangz, mwngz naeuz raemj couh

raemj? Miz geij boux vunz bae rag cihsuh mbouj hawj de raemj, hoeng de rengz baenzneix hung, byawz rag ndaej gvaq de? Da yawj cihsuh couh yaek yaengx fouj roengzbae mbat moq lo, sawqmwh miz boux daxau ndeu gaeuz hwet gaem hwnj ndaek rin ndeu vut coh cihsuh. Mbat rin ndeu couh hawj cihsuh ringx roengz doem bae lo, najbyak de hix lwed lae roengzdaeuj. Boux daxau haenx dwg byawz ni? Dwg daeg lan daxgoeng ndaem go faexminz! Gij sieng cihsuh mbouj suenq naek, dan dwg lwed nding hawj vunz yawj lau. Doeklaeng, daizheiq hwnq baenz lo, lij dwg youq giz dieg boux cihsuh gietdingh haenx, go faexminz couh youq cungqgyang daizheiq, moix bi nyaengz dwg hai va hoenghwdhwd, hoeng, boux cihsuh cix mbouj dwg boux cihsuh gaeuq lo.....

Dayoz bizyez okdaeuj guhhong le, gou miz geij bi mbouj ndaej bae ranz sauqmoh lo, hoeng moix baez daengz sam nyied cosam, gou haengjdingh yaek dwk denva cam daxmeh va faexminz hai ndaej baenzlawz yiengh.....

(sat)

Lwgraz Fonx

□ Vangz Civeij / 黄志伟

Daxboh raeng genj gaen lwgraz fonx ndeu, Yungh lwgda vanq doek baenz gaiq namhfons, Gaiq namhfons venj youq bakaek goengq bya hung, Najdoi q gij mbanj caemhcai q camjca mbouj bingz.

Lwgraz youq ndaw namh nyauxluenx, Gyoengqde caeuq sojmiz raemxraiz, Cauzcauz dwkdwk daejdae j riuri, Mbouj siujsim,

Baez yaepda couh daengz seizcou lo.

Lwgraz benz rim gaiq namhfons, Gij byak lwgraz dek, Lumj bouxvunz naj riu, Seizdoeng, sojmiz hoenzien, Caeuq gij namhfons, Rom baenz dong nae ndeu.

·Sawcuenhvaez Lwngyez·

Gij Golwngyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

youq henzgyawj sing hung cam.

"Haxbaenh dwg byawz swenj ha? Baenzlawz lo?"

"Siu Cuh! Dwg mbouj dwg mwngz swenj?"

"Byawz ha?"

"....."

Gij sing cam lumj bauqrengh nei, mbouj dingz youq sei q fueng bet baih hemq dwk, aen mbanj gyoengq dahsau neix caen doxbang doxrex.

Mwhneix, Lungz Byauh haemz mbouj ndaej gwnz namh doq dek miz diuz geh laeg he hawj de diuz roengzbae, de rox yaep he geij boux dahsau cungj yaek buet gvaqdaeuj lo.

"Mbouj.....mbouj miz maz!" Gij vah Siu Cuh dap hawj Lungz Byauh

liuh mbouj daengz, "Duznonnyai q daj gwnz gofaex doek roengzdaeuj ndwi....."

Seiqhenz cienz daeuj gij sing riu, gij sing boux dahsau he couh daj cazrum baihde cienz daeuj:

"Caen raen duzfanz lo! Duz nonnyai q he hix yienghneix yiep."

Siu Cuh mumx baez ndeu, caengz Lungz Byauh baez da, sing hung dap:

"Hw! Duz nonnyai q neix gig hung ne! Hwk ndaej gou yaek dai lo!"

Youh cienz daeuj raq sing riu, sing riu neix hawj Lungz Byauh sim caem roengzbae lo.

"Siu Cuh! Mwngz caen ndei!" De gamjgik ndaej vah cungj gangj mbouj

baenz coenz, "Mwngz lumj gouq mingh gou nei, Siu Cuh, gou mbouj dwg daegdaengq haep mwngz....."

"Mwngz yaek dai ha, yupyup yiengyieng riengz gou——" Siu Cuh haeb faenz haeb heuj coh de, sing gig daemq naeuz, "Lumj duzfanz nei."

"Gou——gou——" Lungz Byauh gig hojlien z gejnaeuz, "Haetneix gou caeux couh youq gwnz gofaex neix naengh, deng duzmoed nyep yaek dai bae, hoeng gou ning hix mbouj gamj ning baez he....."

"Bemx, byawz hawj mwngz mbouj guh bouxvunz cix guh duz-fangz?"

(caengz sat)

"Ba!"

Cingqngamj doek daengz ndaw mauhdiemx Siu Cuh.

"Ai——"

Siu Cuh deng hwk baez he, ceng mbouj geijlai dawz byongh cenj raemxcax mbuq lo.

Lungz Byauh hix deng hwk nyengh le, naengh youq gwnz ngafaex lumj aen vunzfaexdoq.

Siu Cuh baez ngiengxgyaeuj, yawjraen baihgwnz miz boux vunz ndeu, doeksaet yat.

"A——"

Sing swenj lumj sing dwk cungq goksad yiengj youq gwnz bya caemrwgrw.

"Siu Cuh, dwg gou!"

Lungz Byauh gig gvai, rox mbouj ndaej cai q nguh lo, doq gyod roengz-daeuj, ndwn youq dangqnaj Siu Cuh, mbouj dingz gungj hwet, sing daemq ngaeuq naeuz:

"Gaej swenj! Gaej swenj! Siu Cuh, mwngz baenzlawz fad gou cungj ndaej....."

"Maz saeh ha?" Boux dahsau